



NORSK GJENVINNING AS AVD FØRDE  
Flovegen 1  
6800 FØRDE

Saksbehandlar, innvalstelefon  
Åsmund Skancke Karlsnes, 5764 3122

## Rapport etter tilsyn hos Norsk Gjenvinning AS avd. Førde

Kontrollnummer: 2024.028.I.SFVL

Denne rapporten gjeld tilhøve som vart funne på tilsyn 11. april 2024 hos Norsk Gjenvinning AS avd. Førde (organisasjonsnummer: 988 551 880).

Rapporten har følgjande delar:

- Del 1: Resultatet av tilsynet
- Del 2: Statsforvaltaren si vurdering og grunngjeving
- Del 3: Informasjon om tilsynet
- Del 4: Annan informasjon

### Del 1: Resultatet av tilsynet

Denne delen gir ei oversikt over resultatet av tilsynet og kva de må gjere innan gitte fristar. Nærare omtale er gitt i del 2.

#### Statsforvaltaren fann avvik som de må rette snarast

Statsforvaltaren fann følgjande avvik på tilsynet:

- Verksemda har ikkje forsvarleg handtering av alt farleg avfall

Avvik er manglande etterleving av krav fastsette i eller med heimel i lov.

Norsk Gjenvinning AS avd. Førde må rette opp avviket snarast. De må sende Statsforvaltaren ei skriftleg tilbakemelding som viser korleis avviket er retta innan **1. oktober 2024**. Gjennomføring av tiltaka kan bli følgd opp med nytt tilsyn.

#### Statsforvaltaren gav merknader

Vi har følgjande merknader:

- Lagringa av batteri kan betrast



Merknad er eit tilhøve som vi meiner det er naudsynt å peike på for å ivareta ytre miljø, men som ikkje er manglande etterleving av krav fastsette i eller med heimel i lov.

### **De må betale gebyr**

Norsk Gjenvinning AS avd. Førde må betale eit gebyr på 31 200,- kr for tilsynet.

### **Vi ber om tilbakemelding på e-post**

Vi ber om at de sender all skriftleg tilbakemelding til [sfvlpost@statsforvalteren.no](mailto:sfvlpost@statsforvalteren.no) og merkar e-posten med 2019/3032.

## **Del 2: Statsforvaltaren sin vurdering og grunngjeving**

### **Avvik 1: Verksemda har ikkje forsvarleg handtering av alt farleg avfall**

Dette er eit avvik frå følgjande krav gitt i regelverket

- Avfallsforskrifta § 11-5 og vedlegg 4 punkt 1 bokstav d.
- Løyve punkt 9.2.2

#### **Om krava**

Lagring av farleg avfall skal skje under tak og på fast dekke med oppsamling av eventuell avrenning. Annan lagringsmåte kan nyttast dersom verksemda kan dokumentere at den valde lagringsmåten gir minst like låg risiko og like godt miljøvern

#### **Observasjonar på tilsynet og vår vurdering**

Lager for farleg avfall som vart omtalt under førre kontroll er framleis ikkje sikra mot at overflatevatn kan renne inn, eller sikra mot utslepp av flytande farleg avfall til sluk. Verksemda har risikovurdert lageret og endra typar farleg avfall som kan lagrast her. Verksemda opplyste at det no ikkje skal kunne lagrast avfall her som har avrenningspotensial.

Vi vurderer at lagringa ikkje oppfyller kravet om "minst like låg risiko og like godt miljøvern". Det stod pallar og tønner med farleg avfall i vatn oppå sluket. Sjølv om avfallet ikkje er flytande så vil ei punktering av behaldarar kunne føre til avrenning frå det farlege avfallet. Det var mellom anna brannsløkkingsapparat lagra i nærleik av sluket.

### **Merknad 1: Lagringa av batteri kan betrast**

#### **Observasjonar på tilsynet og vår vurdering**

Blyakkumulatorar som kan ha sprukke/lekke ut syre vert lagra utan sikringskar lett tilgjengeleg. Vi fekk inntrykk av at slike batteri vert vurdert som tørre, og at dei difor er lagra saman med andre batteri i hall med betonggolv, utan sluk. Det er spor etter syrelekkasje i lageret og verksemda bør vurdere om kar/behaldar for sprekte/lekke batteri bør lagrast med større tryggleik for vidare lekkasje. Vi vart informert om at lager for batteri i mottakshallen for kasserte køyretøy har behaldar som er sikra mot lekkasjar.



## Vedtak om gebyr

Statsforvaltaren vedtar at Norsk Gjenvinning AS avd. Førde må betale eit gebyr på 31 200,- kr for tilsynet. Dette svarar til sats gebyrsats 2 for tilsyn av inntil en dags varigheit og er gitt på bakgrunn av ressursbruk. Vedtaket er gitt med heimel i forureiningsforskrifta § 39-7.

De vil få tilsendt ein faktura frå Miljødirektoratet for innbetaling til statskassa.

Statsforvaltaren er pålagt å ta gebyr for tilsyn på forureiningsområdet. Gebyret skal dekke kostnader med førebuing, gjennomføring og oppfølging av kontrollen. Vi viser til varsel om gebyr 11. april 2024 og til forureiningsforskrifta kapittel 39 for ytterlegare informasjon om innkrevjing av gebyr til statskassa.

## De har rett til å klage

De har rett til å klage på vedtaket. Retten til å klage er gitt i forvaltningslova kap. VI. Ein klage bør grunnjevast skriftleg og skal sendast til Statsforvaltaren seinast tre veker etter at de fekk dette brevet. Ein eventuell klage vil ikkje få oppsetjande verknad, og gebyret som er fastsett må betalast inn. Dersom klagen vert tatt til følge, vil for mykje innbetalt beløp bli refundert.

## Del 3: Informasjon om tilsynet

### Gjennomføring av tilsynet

Tilsynet er gjennomført for å kontrollere om gjeldande krav som er fastsette i eller med heimel i forureiningslova, vert haldne. Vår heimel for å føre tilsyn er forureiningslova § 48. Rapporten gir ingen fullstendig tilstandsvurdering av verksemda sitt miljøarbeid eller miljøstatus.

Tilsynet vart gjennomført som ein del av den nasjonale tilsynsaksjonen retta mot anlegg som tek imot og mellomlagrar farleg avfall. Aksjonen er ei oppfølging av tidlegare tilsvarande aksjonar, sist i 2018. Tilsynet er ein del av Statsforvaltaren sitt risikobaserte tilsyn.

Frå Statsforvaltaren deltok:

- Åsmund Skancke Karlsnes
- Gøsta Hagenlund

Kontaktperson hjå verksemda:

- Lars Petter Sundal

### Anlegg

Følgjande anlegg vart kontrollerte under tilsynet:

- Norsk Gjenvinning, Førde - farleg avfall

### Tema

Følgjande tema vart kontrollerte:

- mottakskontroll av avfall
- lagring og merking av farleg avfall
- vidarelevering av farleg avfall
- utslepp til vatn
- internkontroll, inkl. risikovurdering og avviksbehandling

### Regelverk

Tilsynet omfatta følgjande regelverk:

- forureiningslova
- forureiningsforskrifta
- avfallsforskrifta
- internkontrollforskrifta



## Dokumentasjon

Følgjande dokumentasjon vart lagt fram for å verifisere faktiske tilhøve:

- eigenkontrollrapportar
- avfallsdeklarering

## Del 4: Annan informasjon

### De kan kommentere på rapporten

De har høve til å kommentere på faktiske feil i denne rapporten. Eventuelle kommentarar må sendast til Statsforvaltaren innan to veker etter at rapporten er motteken.

### Rapporten er offentlig

Denne rapporten vil vere offentlig tilgjengeleg via postjournalen til Statsforvaltaren i Vestland på [www.einnsyn.no](http://www.einnsyn.no), i samsvar med offentliglova.

Rapporten vil også vere tilgjengeleg på nettstaden Norske Utslipp, [www.norskeutslipp.no](http://www.norskeutslipp.no).

Med helsing

Mari Katrine Berg-Arnesen  
senioringeniør

Åsmund Skancke Karlsnes  
overingeniør

*Dokumentet er elektronisk godkjent*

Kopi til:

SUNNFJORD KOMMUNE

Postboks 338

6802

FØRDE